

**- SENAT –**

Broj: 01-15-4/21

Sarajevo, 01. 10. 2021. godine

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17, 35/20, 40/20 i 39/21) i člana 59. Statuta Univerziteta u Sarajevu, Senat Univerziteta u Sarajevu je na 29. vanrednoj sjednici održanoj 01.10.2021. godine, donio sljedeću

ODLUKU**I**

Studenti u postupku upisa u studijsku 2021/2022. godinu imaju pravo da prenesu najviše 15 ECTS studijskih bodova ili najviše tri nepoložena nastavna predmeta bez obzira na vrednovanje u narednu godinu studija.

II

Ukoliko je student već predao dokumente za obnovu godine, a ovom odlukom je stekao pravo na upis u narednu godinu, dužan je postupiti po redovnoj proceduri upisa u naredne godine studija.

III

Po primitku Zahtjeva za promjenu podataka o upisu, Studenska služba treba izvršiti izmjenu u ranije predatom Listu o prijavi semestra (broj semestra na koji se vrši upis) i u ŠV-20 obrascu (pitanja 21 i 22, a po potrebi i pitanje 25), kao i izmjene u Matičnoj knjizi, ukoliko postoji potreba.

IV

Ukoliko postoji potreba za povratom uplaćenih novčanih sredstava, a na ime upisnine, školarine i slično, student je dužan podnijeti zahtjev za povrat novčanih sredstava nadležnoj Službi na organizacionoj jedinici koji se potom upućuje na realizaciju i dalje postupanje u Pomoćni obračunski centar Univerziteta.

V

Ova odluka stupa na snagu danom donošenja.

Obrazloženje

Skupština Kantona Sarajevo je na sjednici održanoj 29.09.2021. donijela Zakon o izmjenama i dopunama Zakona o visokom obrazovanju kojim je i to članom 3. omogućeno studentima koji u studijskoj 2020/2021. godini nisu položili 3 (tri) ispita ili drugi broj ispita koji u ukupnoj sumi imaju opterećenje od 15 ECTS studijskih bodova, omogućen upis u studijsku 2021/2022. godinu, Senat Univerziteta u Sarajevu donosi Odluku kao u dispozitivu.

REKTOR

Prof. dr. Rifat Škrijelj

Dostavljeno

- Fakulteti/akademije UNSA
- Univerzitetsko-teleinformatički centar
- Službi za nastavu UNSA
- U dokumentaciju Senata
- Arhivi



-SENAT-

Broj: 01-16-2/21

Sarajevo, 06. 10. 2021. godine

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20) i člana 59. Statuta Univerziteta u Sarajevu, a u vezi sa primjenom člana 3. Zakona o izmjenama i dopunama Zakona o visokom obrazovanju („Službene novine Kantona Sarajevo“, broj: 39/21) i zahtjevima pojedinih organizacionih jedinica Univerziteta u Sarajevu, Senat Univerziteta u Sarajevu na 30. vanrednoj sjednici održanoj 06. 10. 2021. godine, d a j e

T U M A Č E N J E
ODLUKE SENATA UNIVERZITETA U SARAJEVU
broj: 01-15-4/21 od 01. 10. 2021. godine

I

Članom 3. Zakona o izmjenama i dopunama Zakona o visokom obrazovanju („Službene novine Kantona Sarajevo“, broj: 39/21) utvrđena je izmjena člana 66. Zakona koja glasi: „(6) *Izuzetno od primjene stava (1) ovog člana, student u postupku upisa studijske 2021/2022. godine ima pravo upisati narednu godinu studija i prenijeti u narednu studijsku godinu najviše 15 ECTS studijskih bodova ili najviše tri nepoložena nastavna predmeta bez obzira na vrednovanje, o čemu odluku donosi senat visokoškolske ustanove.*“, a tačkom I Odluke Senata Univerziteta u Sarajevu broj: 01-15-4/21 od 01. 10. 2021. godine utvrđeno je sljedeće: „*Studenti u postupku upisa u studijsku 2021/2022. godinu imaju pravo da prenesu najviše 15 ECTS studijskih bodova ili najviše tri nepoložena nastavna predmeta bez obzira na vrednovanje u narednu godinu studija.*“

Shodno navedenom, a imajući u vidu neophodne radnje koje fakulteti/akademije moraju poduzeti prilikom upisa studenta u studijsku 2021/2022. godinu, Senat konstatuje da prenos 15 ECTS studijskih bodova ili najviše tri (3) nepoložena nastavna predmeta bez obzira na vrednovanje u postupku upisa u narednu studijsku godinu, vrši se **isključivo** u odnosu na nastavne predmete iz prethodne studijske godine, odnosno navedenim članom se ne omogućava prenos nepoloženih predmeta iz ranijih studijskih godina.

Dakle, u postupku upisa treće godine studija ne može se vršiti prijenos ECTS studijskih bodova iz prve studijske godine, odnosno u postupku upisa četvrte godine studija ne može se vršiti prijenos ECTS studijskih bodova iz druge studijske godine.

II

Ovo Tumačenje predstavlja sastavni dio teksta Odluke Senata Univerziteta u Sarajevu broj: 01-15-4/21 od 01. 10. 2021. godine.

Obrazloženje:

S obzirom da je sa određenog broja organizacionih jedinica Univerziteta u Sarajevu zatraženo tumačenje Odluke Senata Univerziteta u Sarajevu broj: 01-15-4/21 od 01. 10. 2021. godine, a shodno

donesenom Zakonu o izmjenama i dopunama Zakona o visokom obrazovanju („Službene novine Kantona Sarajevo“, broj: 39/21) kojim se studentima koji u studijskoj 2020/2021. godini nisu položili 3 (tri) ispita ili drugi broj ispita koji u ukupnoj sumi imaju opterećenje od 15 ECTS studijskih bodova, omogućava upis u narednu studijsku godinu, Senat Univerziteta u Sarajevu daje ovo Tumačenje.

21 REKTOR

Instem...
Prof. dr. Rifat Škrijelj



Dostaviti:

- Fakulteti/akademije UNSA
- UTIC-u
- ⊖ Službi za nastavu
- U dokumentaciju Senata
- Arhivi